

清夢盦二白詞

余年十三至京師歸安姚笙華共筆硯嘗手錄小
和屠倬余見而喜之因出示姜白石集曰宋人詞

者就燈下苦誦至文章洵美知何用句廢卷而歎時北風
蕭蕭竹聲雪聲戛戛響紙窗外此景猶時時入余寒夢也
比歸居臨頓里識沈子隱之知其工長短句取讀所製二
白詞詞境清且幽如踏葉孤嶺落花空潭口香莓苔食冷
煙火其張王孫之匹歟抑白石之亞也聞將訪吳祭酒於
西泠西泠余舊游出錢唐門數里買小艇子從下湖至上
湖有水泱泱自玉壺口流出沿流以西過石函橋折而南
爲棕毛場古水磨頭方氏故址白石讀書處子於其間擇

一幽絕地。攜自度曲。按節讀之。野雲在空。去來無迹。倘有
隱君子。授以詩說。如白石故事者。急歸來爲余告也。吳縣
潘曾沂序。

嘉慶戊寅冬予在里門始識閩生於吳巢松齋中襟抱蕭
遠渺如遠如清言不多元解能永槃談之次乃知君蓋會
心於琴趣遂譜故能悄悄而靜縣縣而淡也久之得盡讀
所製長短句琅然清圓一彈三歎如冷風過林自協流徵
涼月暉席都成秋痕抒芬芳悱惻之懷極哀豔騷屑之致
雪滌凡響棣通太音萬塵息吹一真孤露度以橫竹當飛
奇聲和之弦桐居然流水蓋兼有唐宋諸家之妙焉僕少
作久悔端憂寡諧偶接近流罕同宗軌並里諸子時共譚
藝以言風雅差忒未墜或獨探元始洞微於聲律之初或
鬯勇性靈叶應於笙磬之表靡弗標舉馨逸鏘洋和均衷

裏幽琴○若接古昔○窈窕空谷○忽逢娉婷○以視纖佻炫工姚冶倚市○去上莫別○淩犯無歸○雅鄭之辨○顯顯然矣○乃猶欲享帶護前○詆譏咄點○轉謂餘子輕薄○自詭識塗○何其慎哉○讀閩生詞槩論及之○願同社諸君勉焉○道光丁亥小春朔吳縣董國華序

冰瑟抱月。銖衣睇煙。穎怨茗哀。土花蝕其古翠。瓊思瑤想。
金粉暈其春紅。野雲孤飛。泉綃暝織。可謂窮極窈眇。自成
馨逸者矣。曩者里社游槃。譚款雅故。朋輩翕集。刻意倚聲。
幾於家郢。握人隋掌。而君與朱君仲環。戈君寶士。亡友王
君綬之。尤斷斷於別雅。鄭辨淄澠。陰陽清濁。剖宋苾忽。識
者以爲大晟雅樂。振響於今焉。塵繼易牽。文譙歇絕。胥疏
湖海。一星遽終。會方與君同客竹西。問所手定。乃得是編。
卒讀之。影事厯厯。華年滔滔。瘦玉骨之一把。涇鉛淚之千
點。桂旗蔭少。蘿帶寒多。祇聞珍髫相誇。孰是蹇修爲理。幽
憂若此。淒諷柰何。異日者。魚城酒城。竹屋梅屋。鴈外鐘暮。

鷗邊笛秋。相與拾墜歡。付低唱。攜手一豁。白雲杳然。君真
琴趣之堯章。蒙豈能爲簫譜之元晏也。三復心折。識其區
區。道光壬辰春三月吳縣蔣志凝序。

題詞

元和嚴 鄂雨生

靈苗一葉種瑤田○錦字新書玉版牋○唱到暗香疎影曲石
湖花底拜詞仙○

吳縣潘曾沂 功甫

可是當年劉曉行○山中去看白雲生○荻花楓葉俱淒怨○吹
裂寒空笛一聲○

吳縣潘曾綬 黻庭

曾把新聲付玉簫○夕陽秋冷小紅橋○可憐消瘦垂楊柳○也
向風前學沈腰○

長洲沈彥曾士美
十年歌歎厭名場○破帽彈箏祇自傷○零落羅紉好詞句○江南唱徧沈斜陽○

鎮洋彭兆蓀甘亭

冷香題句寫清愁○騷客心情易感秋○灑徧青衫數行淚○天涯誰是白江州○

昭文蔣寶齡霞竹

拾將香草作詞腸○幅幅瓊箋寫恨長○彈徹秋絲聽夜雨○楚雲縹緲一燈涼○

高陽臺

吳縣蔣承志約人

葉葉流丹。花花刻翠。好春都在吟邊。雨嬾風愁。笛聲吹度。
華年同心盒貯。相思子。寫柔情。摺徧濤箋。最淒然。碧館詩
燈。淺醉閒眠。烏絲小劃。瑤璃管。記瓊宮。夜約。催賦游仙。
夢裏歡濃。曉鶯曉到窗前。悄無人倚闌干。角任香魂飛破。
蘭煙早涼。天燕怯。蛩淒替訴。纏綿。

徵招

吳縣顧震蒼竹

從頭閒數青雲客。當年阮琴嵇竈。吹徹玉簫寒。算閒愁難
掃。春風無限好。莫荒卻。謝池芳草。浪說蘇辛。慢矜秦柳。廣
陵今杳。孤調向誰彈。單衫冷。不滿野鷗閒笑。憶昔也。沿
門把琵琶斜抱。苦吟容易老。又淒對暗燈窗小。定何日跨

鶴長松倚白雲清嘯

南歌子

長洲林奕構少霞

細雨荒城角。涼煙古渡頭。綠窗無事譜甘州。借得雲邊石，
帚不掃閒愁。夢影花間露。歡盟水上漚。夕陽紅處怕登樓。
別有淡情難訴，說甚悲秋。

西子妝

元和朱綬西生

蜨誅牋寒。鷗盟石古。那似野雲高致。三分春色一分愁。稱
濃題二分歡意。迷金醉紙。慢憐惜韶華憔悴。少年場便圓
花歌嘯。風流無此。西泠路廢水荒煙。記我吟秋地。釣船
猶繫舊漁莊。笑淒涼近來身世。鶯情燕思。斜陽照闌干第

幾石湖仙還是吹簫樹底

摸魚兒

吳縣沈廷昭正橋

徧旗亭雙鬟賭唱新聲無此通峭詞場我亦檀痕招隨意
淺歡濃笑情未了怕聽徹山陽笛語淒懷抱妍華換早剩
醉墨題香淡燈索夢生受萬花繞飛仙侶商略金荃格
調素絃空際聲杳東風灑盡芳菲淚費卻幾番吟嘯愁渺
渺問水樣流年持底銷凝好秋光漸老且冷踐鷗盟閒邀
漁榜來訂倦游草

高陽臺

長洲王嘉福二波

載酒尋春攜簫譜月筆花入夢生香蘭怨荃愁儘他多少

淒涼飛紅吹盡東風影。倚吟情祇有斜陽問傷心。草短煙
濃水遠天長。江南我亦銷魂客。甚絲哀竹脆。都變清商。
雙鬢飄零。尊前幾斷迴腸。淚痕浣透青衫色。算頻年蹤跡
他鄉。約題詩紅燭圍屏。碧蘚空牆。

前調

吳縣潘曾瑩 星齋

蜨外香痕鵲邊淚影。那禁殘夢淒涼。一種春愁東風吹上。
垂楊羅紉靜寫銷魂字。有闌干總有斜陽更匆匆。吹斷瓊
簫寂寞蘭窗。舊游驀地重回首。看海棠憔悴不似春妝。
燭影宮羅聽殘夜雨淋浪。沈郎不爲傷秋瘦。笑經年未減
清狂。只些些剩粉零金。付與紅腔。

壺中天

錢唐陳裴之小雲

一痕秋影被飛花。捲去空中搖颺。密約垂楊低結住。無奈
好春傷往。二等銀鈿。三分璧月。澹入芙蓉帳。瑤篇重展。瘦
吟淒入蟲響。爲問碧樹啼鵲。紅樓語燕。甚處詩魂葬。生
怕蘭蓀零落盡。淚滿瀟湘江上。恨逐煙銷。歡隨夢冷。回首
供悵。恨小鬟何在。玉簫還譜新唱。

醉蓬萊

葵源齊彥槐梅麓

望白雲天外。鶴背風高。數聲清遠。寫入琴絲。定幾番淒斷。
夢裏移春。香邊覓醉。問冶懷誰管。一榻疎燈。一窗涼雨。一
簾殘篆。記我當時。選歡許。豔頻拭。曉衫慣。迎歌扇。譜得

新聲付小紅。低按病燕辭秋。瘦鵲催暮。恨鬢華潛換。片月昏黃。爲君斟酌。自成愁伴。

青玉案

用自題詞集韻

吳縣石同福敦夫

移宮刻羽消閒悶。借笛譜兼琴韻。何處皈依禪榻穩。但茶煙裏。一絲絲鬢。爭說才疎俊。英雄兒女應休問。往事思量總無準。偶抱琵琶調鳳軫。舊時芳草。箇儂紅粉。都是空中恨。

滿江紅

仁和屠倬琴鵬

如此清才。尙無分玉堂金殿。任雲情鸞鶴。風懷鶯燕。春事

那禁花柳瘦。秋心容易。星霜變。剩冰紉詞句。寫斜陽流傳。
徧。紅塵夢。何須羨。青衫淚。休輕濺。且徘徊煙景。醉淡歡。
淺。天上并無愁。可寄人前。惟有癡堪獻。向當筵喚起雪兒。
歌供消遣。

二白詞總目

鶯天笛夜新聲

今雪雅餘

蘭騷剩譜

小臨卽琴弄

霏玉集

詞之爲道○意內言外○選音考律○務在精研○予幼卽嗜此○朋
侶翕集○互相唱酬○忽忽中年○身世多故○秋碧鴈語○春紅鵲
嘯○側軫哀絃○恨淡歡渺○其幽淒窅迥○則如明妃遠嫁○楚客
孤吟○塞草湘花○動增騷屑○至若美人遲暮○蟬鬢飛蓬○酒倦

燈闌不無根觸。綠情之什。半屬傷心。長夏閉門。檢理舊製。
十存其四。授諸梓人。世事蒼涼。交知零替。今無白司馬。誰
肯爲商婦琵琶泣下者。此中甘苦。與嶺上白雲共之而已。
道光二十五年乙巳六月沈傳桂自記於清夢盦

清夢齋二白詞

鶯天笛夜新聲

元髮變素。流光電馳。裙屐歡妍。飄忽若夢。酒闌花
早。曼聲微吟。如聞峽猿。如汎湘瑟。支離顛悴。我懷
如何。長洲沈傳桂識

青玉案

自題詞集

東風不管閒愁悶。忙寫徧文簫韻。醉拍紅牙吟未穩。影邊
香外。一絲華鬢。不似年時俊。飛仙舊譜誰重問。楚魄空
招夢。無準。夜雨鵑啼彈淚軫。穉花穠柳。豔金淒粉。說與江

清夢齋二白詞

鶯天笛夜新聲

南恨

醉太平

青○燈○翠○娥○愁○眠○醉○歌○斷○猿○零○雁○湘○波○寫○騷○情○奈○何○
病○過○秋○風○恨○多○一○生○禁○幾○銷○磨○儘○淒○涼○受○他○
春○陽○

轉轡金井

元夕

試○燈○風○小○護○餘○寒○又○見○絮○塵○飄○麝○繡○輦○雲○街○滿○珠○鈿○羅○帕○
何○郎○俊○雅○正○醉○擁○玉○梅○香○亞○組○帳○春○低○銅○壺○漏○短○豔○懷○難○
寫○高○樓○素○娥○未○下○念○黃○昏○約○阻○珠○淚○盈○把○疊○鼓○調○笙○慢○
圍○鑪○嬌○冶○瓊○窗○夢○暇○總○不○似○去○年○今○夜○舞○倦○歌○休○搖○鞭○尙○

問露亭星榭

步月

疏雨霏。愁冷波流夢。玉窗酒醒人寂。東梅破蕊。漏幾分晴色。數芳訊。寄與燕翎。問前度笑紅蹤跡。橫塘路。雙槳去來。斷雲難覓。春情銷未得。蘭麝又無端。偷試遙夕。墜歌碎舞。任華燈飄出。柳陰亞柔綠乍勻。漾煙影翠樓全隔。題香侶。還倚畫闌弄笛。

眼兒嬌

春風綠。徧小垂楊。一半是紅牆。惜惜門巷沈沈樓閣。祇有斜陽。依然碧徑。野花香。羅襪欲生涼。舊游重認。煙波圖

畫何處鴛鴦

踏莎行

春盡日作

簾影流波砌陰圓葉一腔愁倩曉鶯說綠香吹淚徧江城
黃昏微雨孤燈滅中酒心情嫩寒時節
別碧煙如夢不開門門前千點楊花雪

憶少年

寂寥風景寂寥門徑寂寥庭院紅樓尙如昔但樓頭人遠
記得櫻桃花影亂步閒階繡裙羅扇歌撈盪秋水又芙蓉
開滿

惜紅衣

敗荷

碎影搖雲繁聲破雨翠銷涼積素紛飄殘仙盤露珠溼鴛
鴦自語渾忘去卻西風消息空憶低唱采蓮有紅香狼藉
疏篷短笛淺渚荒橋斜陽共孤寂秋心瘦盡水國渺淒
碧祇惜浣紗人到一鏡冷痕難覓聽怨歌催暮三十六鷗
能識

渡江雲

蓼花

夕陽紅未了輕花瑟瑟涼意接菰蒲小橋流水外露老芙

芙蓉古渡野鷗孤。餘妍最好染。西風煙晚，霜初舒望，眼柔脂濃。澹空影白蘋俱。江湖又魚火。暗落雁潮，同向汀洲深處。應自覺天長雲遠，清夢都無一枝瘦。不禁秋冷，傍船窗絲雨疏疏歸去早。沙禽隔柳相呼。

孤鸞

寒夜聞雞

暗燈如豆正愁怯。單眠立殘清漏。翠羽鄰村喚醒，晚來昏酒。郵亭乍催夢起。趁霜花漸濃時候。搖漾鞭絲帽影，有落蟾痕瘦。悵夜長無計成歡偶。慣碧樹窗閒亂雅啼後。獨自惺忪不耐半衾寒透。空房更欹瘦枕。捲銀鈎悄窺疏牖。

一樣曉風聲。裏向孤帷聽久。

月照梨花

喚起春思。嬌鬟慵理。暮雨行遲。淩波步細。窗外纖月斜移。
五更時。前宵錦帳梨雲夢。玉寬釧鳳。壓枕香痕重。舊游
亭院蘭霧迷。枝上黃鸝數聲曉。

漢宮春

短晷易去。芳辰不愉。書此寄江上故人。

一翦東風正。梨雲欲暖。草露初妍。無心傍闌試酒。隔柳呼
船。芳菲易老。有楊花春便堪憐。雙燕子。西園路冷。翠泥還
撲晴煙。樹底嬌紅吹盡。悵尋常好夢。不到尊前。江皋故

清夢盦上白詞

鶯天笛夜南聲

四

人去遠。待拂魚箋。屏山霧鎖。問相思誰寄。吟邊幽恨在斜橋。斷浦綠陰深處。嘯鵑。

壺中天

春陰

杏衫裁後。近清明。長是重門深閉。傍晚亭臺煙一色。數筆畫帘春意。小徑泥鬆。回塘霧溼。燕子歸來未。朱樓空憶。翦燈闌夜情事。誰念幽巷東偏。平橋北去。漸有青驄繫。數偏花風斜照冷。坊陌俊游曾記。夢斷瓊簫塵侵錦瑟。瘦盡香字餘寒。還緊玉人欄角。慵倚。

南鄉子

久雨放晴詞以志喜

柳外煙平濕雲如絮遠天青草際蜻蜓飛不起晴矣樓前
曝衣人到未

西溪子

撥動玉絃情緒夢繞屏山無語月初斜風乍冷曉鳥靜瘦
倚暗帷孤影自起剔銀釭怕開窗

八歸

史梅溪體送人浙游

柔煙暈暖晴雲收冷春意乍拂林木誰教美景良辰裏還
向倦郵荒驛帳飲催促鷗外穀波尋夢遠莫恨句江郎重

續慢看足一片溪山。淚眼坐幽獨。長記花間載酒琴邊。
邀月醉侶都消塵俗。問今何事。柳枝輕折。又唱陽關哀曲。
想朱樓意苦。翠袖無言倚修竹。聽曉鳩解留人住。似說東
風江南芳草綠。

戚氏

孤館寒生。秋將老矣。言愁紛杳。如讀歐陽子秋聲賦
也。

暮寒時。一天微雨黯屏帷。岸柳飄零。井梧凋謝。晚風吹悽。
悽訴愁思。哀蛩吟斷豆花籬。當年楚客餘怨。不堪搖落到
江蘿。遠水無際。空山誰語。女蘿還製單衣。甚牆頭冷蝶簾

外歸燕猶是依依樓上翠袖斜欹闌角望晚雁侶正低
飛孤檠暗夜眠難穩悄掩窗屏漏聲遲二十五點緩移夢
境更有誰知起來半影滅滅蕭蕭何處砧杵淒迷次第
重陽近慵簪細菊倦倒芳卮強去登高命侶怕行來落葉
滿荒蹊定憐老盡芙蓉折將寄遠紅瘦離人淚歎鬢霜易
惹潘郎思去瓊簫恨空對斜暉寫斷腸且唱新詞便悲秋
能有幾多悲向閒庭裏涼蟾照夕獨坐絃詩

淒涼犯

破窗孤坐風雪作寒書寄蔣澹懷

翦風送冷重門掩空城誰弄霜角綺游倦也江南夢裏舊

歡非昨。愁懷自惡。更無那天寒袖薄。抵僧寮。單衣暝宿。年
少。怨漂泊。芳信今消滅。嬾賦西窗罷。眠東閣。雨燈醉淺。
儘相思。翠幃朱幄。一笛湘波伴。山鬼孤吟夜壑。正梅花雪
影。萬點向曉落。第四字依白石詞不用韻

長亭怨慢

聞蔣約人自秣陵歸後臥病不出

是愁外。選花評葉。醉魄吟香。豔隨風蝶。采盡薜蘿。冶懷銷
減。共誰說。冷雲流夢。偏夢繞揚州。月。月。影。二分秋。恰看到
將圓。還缺。淒絕。悵如今。俊侶。一生素琴彈。折文園病入
畫闌底。更歌新闕。自別後。楚珮難留。舊游地。玉簫聲咽。莫

瘦了春情孤負野梅殘雪

摸魚子

韶景將妍故人遠去江皋贈別黯然魂銷矣

問疏梅幾花開矣幽香催動離緒江城畫裏東風淺底事
便成行旅留不住但夢繞尊邊笛底尋詩處輕帆斷渚早
短樹搖寒閒雲織暝雙槳載愁去長亭路一曲銷魂慢
賦垂楊空弄煙縷連番芳信虛前約負了翠燈朱戶情最
苦夕照外天涯水闊山無數相思暮雨待客帽黏塵征衫
點絮寄我錦牋句

杏花天

一枝垂柳當風弱。春又晚。絮飄花落。燕樓人去斜陽惡。塵
冷隔年簾幙。情默默。飛瓊夢錯。青鏡裏玉顏非昨。愁心
慢把冰絲託。不是舊時絃索。

厭金盃

暗雨滋苔。新煙換柳。又相逢薄陰時候。夢梨庭宇。飛燕語
春愁人在否。人比花枝更瘦。畫闌回首。錦瑟凝情寄相
思。慢題紅豆。洞簫吹倦風月。可憐宵。雙翠袖。猶倚津亭喚
酒。

雙頭蓮

初夏薄陰獨行隄陌間作

凡是免字不孤
心並欲言

垂柳橋亭看密葉成陰。冷綿飛滿游絲。慢捲有一半吹入。
玉簫庭院。正是夢裏人歸。認風簾煙幔。愁更遠。燕子雙扉。
尋常扇。羅歌斷。此地舊有詞仙。趁花開。畫永翠尊相款。
如今俊伴。更不管芳草斜陽零亂。十里短陌長隄。任流鶯
唬怨。情易倦。片綠湖山閒雲自轉。半字管字所謂句中
韻也萬氏詞律失注

聲聲慢

河橋夜望。花月悽豔。所思不見頻喚奈何。

虛屏霧縠。小簾風淒。香塵零落珠鈿。飛夢妝樓。孤免澹寫
嬋娟。圍燈畫闌夜午。醉笙歌。鬢影華筵。興未減。載桃根一
舸。鏡檻花妍。誰念銅壺立盡。正秋高酒醒。愁怯歸眠。客

裏光陰都負豔冶尊前蘭窗舊時燕侶倚紅簫第幾橋邊
綺恨遠掩重門空理素絃

國香

秦淮水亭書女郎稚蘭扇

絮幙香霏記銀箏款酒曾殢羅衣湖橋舊時楊柳猶弄煙
姿十里朱闌碧水話前游鶯燕都非誰家畫樓側珠箔圍
燈鬢翠雙欹闌紅攜一舸趁鴛情蝶意豔影淒迷桃根
嬌語歌扇自譜新詞可惜藏花檻小隔屏山輕負蘭期難
忌夢中事玉鏡嬋娟夜笛相思

南鄉子

深巷底小樓中。柔情低暈一絲風。風外碧煙愁易暝。衣袂
冷。飛去一雙胡蝶影。

前調

斜照澹欲黃昏。墮釵聲隔小重門。知是倚闌人倦了。輕寒
悄。閒說看花明日好。

謁金門

雙燕子。飛近東花簾底。澹澹煙痕扶不起。杏衫紅褪未。
滿眼芳菲情思。都在洞簫聲裏。欲寄相思無一字。淚綃紅
莫洗。

高陽臺

韶景方酣。俊游久歇。郊園凝望。言愁欲愁矣。

酒薄欺寒衣單。試煖輕塵。不敢春濃。舊夢笙歌。依然十里。
簾櫳看花。莫問花深淺。有斜陽。總是愁紅。慢憐儂。燕子人。
家細雨空濛。歡盟已誤。鈿車約。但閒憑繡檻。倦倚熏籠。
廢綠亭臺。一鵲嚙瘦東風。能消幾日。尋芳去。便翠陰換卻。
香叢更惺忪。短草平蕪。怨碧煙中。

疏影

春影

香塵散玉。有舞筵綺袖。吹動華褥。如此江南。多少樓臺都。
是霧窗煙屋。鈿車約畧平蕪外。又滿徑游絲斜撲。剩暝雲。

淺碧玲瓏鏡裏素波流。猶記濃陰薄醉，佳人乍夢醒。
閒倚修竹，縞袂無言，低捲疏幃。但有一痕蛾綠，妍妝刷鬢。
春風倦想別院正燒銀燭，莫繡簾過盡楊花，愁損畫闌幽
獨。

聲聲慢

春聲

疏陰蝶外，細雨鶯初，沈沈萬家春寂。夢曉梨雲都醒，戍樓
飄笛。歡場最憐夜短，墮瑤釵、緩橫歌席。忍負卻花深門掩，
翦燈芳夕。莫唱桃根舊曲，怕雙漿來時，有人相憶。可恨
嘯鴟催盡，亂紅無迹。簾鉤不風自響，待誰尋、珮環消息。情

正倦又高樓寒淺玉笙吹隔

清平樂

錦香紅亞細語春寒夜小小蘭襟剛半卸六扇湘簾齊下
雲鬟溜了鸞釵銀屏燈影都遮瘦倚梅花一枕夢回澹
月窗紗

臺城路

秋日偕邵子山登東門城樓山高有雲樹古無葉暝
色在地循蹊而歸頗極蕭颯之致

回頭一抹青山影斜陽自橫空碧短角邀寒單衣倚暝煙
外涼深無迹年華暗惜正高柳西風瘦蟬吟澀望極江潭

樹猶如此淚頻滴。孤懷何限峭寂。算殘花斷艸都是愁。
色野店人歸池塘夢轉休。問前游隄陌霜蕪漸積向枯竹。
叢蘆更招詩魄黃葉荒城晚鐘秋惻惻。

前調

次韻答戈順卿

疏林影共斜陽澹。雅邊半絲寒繞。短笛吹煙殘鐘度。嘒應
是不平作勝清眺。憑闌望渺想愁葉慵題舞。紅今少強去登
臨翠隄塵冷徧荒草。西風更扶病骨古江鄉畫裏鷗夢
能到放鶴紵詩租驢載酒可惜春光還早。羈懷慢攬待竹
外溪頭野梅開了有約攜筇看山盟素抱。

好事近

雙夢乍回時。商畧半宵寒煖。稍有冷香飛去。說翠帷休倦。鬢絲斜漾一分春。不信冶情倦。莫是汝雞鳴了。趁月華還滿。

羅敷豔歌

去年曾是花時節。柳外簾櫳一笛東風六曲銀屏面面通。今年又是花時節。雨細煙濃鏡幔香空。小院斜陽獨自紅。

東風第一枝

唐花

穉穉烘晴柔莖暈煖瓊籤勻寫銀字茜羅巧護重簾笑痕乍窺鏡裏穠芳深貯更不辨東風來未想繡旛斜颭春鬆透了一絲花氣煙影重素妝慢倚雲豔落翠鬟競試夜闌綺閣回燈悄移畫屏近底紅情嬌小也絕勝尋常桃李伴柳枝低舞尊前錯喚采香人起

浣溪沙

愁外東風獨自寒夕陽都上畫闌干退紅簾暈碧苔乾著意柳條仍作絮多情花瓣也成團鈿車且要去尋歡

前調

一鏡紅情畫不全絲簫吹夢到愁邊別家池館得春妍

燕子薄寒鶯漸煖。桃花初雨柳將煙。不成惆悵不成憐。
天香

十二碧琅玕館試海南香

麝玉霏塵鮫綃染霧瑤房細翦珠串路。轉星植夢回瀛島。
一葉海雲浮煖。紅薇露洗仙篆冷。宮羅重換。繡被雙煙夜。
永銀屏萬花春滿。韓郎舊情頓倦。裊餘熏杏鈿紈扇薄。
醉未消。微雨翠簾深捲。心字淒涼易斷。但檻月窗燈共零。
亂慢撥瓊簫冰環素腕。

綺羅香

吳山民掘地得石刻瘞琴銘碑陰楷書心經一卷後

書顯慶三年八月一日莊甯爲夫資福書末係一銘
前後二銘蓋夫婦篤於情好婦死夫以琴殉葬并以
所書心經刻碑而繫以銘也予爲倚譜

小塚鴛孤叢燕蝶冷荃夢長拋瓊土片石鑄寒中有綠香
淒楚想歌樓愁墨題煙定鈿閣淚綃霏雨瘞花銘影墮銖
雲瑤釵塵掩舊眉嫵么絃誰埋怨曲淒絕苔紋蝕斷官
商難諧鏡鎖華年涼夜佩環無主埋蠹管錦字凋春薦芳
尊縞衣迷霧弔秋魂月古山空病鵲紅自語

古香慢

早秋漚隱園池上觀荷

竹煙。冑夕。漢雪。搖晴。鷗夢。初醒。細翦。風裳。葉葉。暗香。吹冷。
流水。靜娟。娟滿。涼翠。冰匳。玉鏡。正斜。曛照。晚敗。柳暮。蟬移。
下秋影。記浩渺。湖雲迷徑。羅襪。凌波。攜豔。蘭艇。舊曲。吳宮。
采徧。怨紅。誰贈。露粉。易生。寒怕。飄盡。圓珠。萬柄。浣紗人。
尚橫笛。斷歌催暝。

琵琶仙

清漪一曲。鬱環到門。雲水澄鮮。喬木明瑟。時間櫓聲。
遠出煙際。天風吹衣。不鷗自涼。渺渺兮予懷也。

塵外。天空。正人坐。古樹閒門。愁寂隄柳。低蘸波痕。柔煙破。
溪碧斜照。遠湖雲漸澹。悄相對。一簑漁笛。斷水涓涓。餘懷。

耿耿清夢難覓。更誰省。羅襪來時。有洲芷汀蓮。沁顏色。
三十六陂。何處問。閒鷗踪跡。風又緊。蘋花弄晚。自采香寄。
與仙魄。抵似江國。吹簫露涼幽夕。

露華

翠薇花館。冬日杜鵑盛開。

錦屏夢減。覓鏡裏香痕。盡化霜豔。凍葉乍畎。留得淚紅干。
點問誰巧。翦輕旛。瘦影隔簾低掩。嬋媛恨。煙綃暮寒。裏損
脂臉。冰蟾澹照涼簾。便淺貯濃芳。薇墨勻染。唾袖漸乾。
煖護玉人妝檻。一枝悄寫春心。未抵蜀絃。淒黯僊露冷。紺
苞半開更斂。

唐多令

蔣澹懷惜花圖卷

斜日畫闌邊。落花紅可憐。漸江南芳草如煙。一樣東風雙燕子。渾不似。舊時妍。絲柳又飄綿。繡羅衣袂偏問誰家。還理箏絃。絮雨樓臺春夢冷。明鏡裏。怨華年。

春霽

柳影用周草窗體

香絮霏時見。疏疏碎縷暗鎖深碧。一角紅牆霧遮煙繞。迷離換了晴色。回闌數尺。有人悄。背樓陰立。但怪得。羅袂薄寒。無語弄瑤笛。飛花誤蝶。墜葉驚蟬。望裏斜陽。總成蕭索。

春霽齊以下詞多最
花館詞有和作內數
原作以此小異以之別之
字別之

瘦處刻作暗

砂磨去刻作塵底
去熱點去刻作意斷處
去今刻作以神洗去刻作

清去刻作滿恨去刻作邊

玉去刻作意

露華依去刻改正

瑟○莫○江○潭○西○風○又○緊○鞭○絲○低○裊○去○無○迹○還○更○紋○簾○和○夢○隔○
瘦○塵○疑○晚○惺○忪○獨○倚○昏○黃○半○蟾○窗○外○翠○痕○飄○直○

花犯

花陰用周清真體

小○闌○干○濃○芬○碎○壓○簾○紋○散○新○霽○珮○環○來○未○儘○絮○點○飄○塵○纖○
影○難○記○翠○叢○悄○指○尋○芳○地○餘○寒○風○淨○洗○但○隱○約○斷○襟○零○袂○
亭○亭○蘭○霧○裏○銷○魂○落○去叶英○漬○苔○衣○黃○蜂○慢○誤○撲○仙○雲○鬢○
髻○霏○絳○雨○東○園○路○亂○扶○花○氣○攜○尊○共○采○香○伴○侶○煙○漠○漠○羅○
茵○人○乍○起○又○待○取○玉○蟾○搖○夢○紅○簫○吹○樹○底○

露露花

清夢齋二白詞

鶯天笛夜南窗

五

苔痕用張叔夏體

淚香萬點過幾番細雨潤綠還妍離宮夢曉玉階人去年
年是處落紅飛滿觀華茵暗蝶飄煙弓履滑露珠涼沁誰
倚闌邊閒自摩挲古石想廢登殘碑密字曾鐫芳叢霧
澹舞塵濃綴羅鈿澹暈片暉晴影傷簾陰草碧芊芊幽徑
小哢蛩暮寒可憐

眉嫵

草色用姜白石體

看濃連深樹細觀平蕪煙外夕陽滿獨去登樓望江南
路游驄誰在芳岸暝雲自轉想綠波天際同遠慢回首

此詞初作濕細字初作泥
過是年乃可更刻作泥
此牌當法字修安處草
碧浸蘆

登樓之詞作過欄

蘇軾詩

此詩乃蘇軾所作

幾點紅心疑去正無語淒斷還共青袍低捲寄豔愁何處冰淚空泣如此銷魂地汀洲晚香痕難采離怨舊時翠館但絮飛花舞零亂怕秋雨荒原詩夢冷倍淒惋

掃花游

潘功甫招游鳳池園

煖煙冑葉正暗綠移晴瘦紅輦曉步深翠窺慣攜琴就檻弄花臨沼醉蜨棲香數點飛英慢掃坐清嘯看碧樹畫樓唯是斜照幽興還渺渺問夢裏誰尋謝塘吟草燕鶯未老掩蕉衫怕有暮寒能到數徧東風後約舊薇正好更淒悄柳陰中杜鵑聲少

瑣窗寒

董琢卿席上觀籀石老人秋景畫冊

雨碧凋蟬霜紅隕蝶豔痕初冷煙深翠老剩有露螢噀井
響西風銀屏乍寒夜闌一榻秋燈影正庾郎賦懶江潭零
落自嗟愁病清景難重省記傍水花陰綠迷蘿徑瓊柯
怨錦慢惜嬋娟明鏡想天涯梧柳自飄玉關夢隔人未醒
舊題詩淚葉都乾澹倚孤蟾暝

清夢齋二白詞

今雪雅餘

征衫乍披。山水異色。客程迂阻。旅懷貧辛。歸旌搖
搖。緇素已化。清筇如語。冶花不春。離憂萬端。協以
變徵。長洲沈傳桂識

壽樓春

韶序易闌。別懷初動。詞以志感。

吹瓊簫。邀晴便飛花。處處不是春城。幾度幽香棲蝶。嫩陰
啼鶯。流水外波光平。漸換將苔痕。青青甚冷。碧敲詩。淒紅
帶酒閒負。故園盟。高樓上。羅衫輕想。蘭芳罷折。猶帶餘

馨○可○惜○秦○關○人○遠○燕○書○難○憑○酥○雨○歇○絲○烟○橫○照○綺○愁○斜○陽○
無○情○但○凝○望○天○涯○東○風○暮○寒○長○短○亭○

望遠行

玉玲瓏舫小飲時將有豫州之行酒邊倚聲不減郊
亭驪唱矣

弱○柳○千○絲○不○繫○船○離○筵○相○對○總○淒○然○深○杯○頻○引○莫○辭○乾○好○
春○長○定○異○鄉○看○攜○翠○袖○寫○羅○紈○短○歌○聲○急○不○成○歡○玉○笙○
吹○徹○杏○花○寒○片○帆○煙○雨○去○江○干○

上行杯

千里江關路遠臨發處玉尊頻勸細雨春寒離夢短無言

淚滿櫓聲遲帆影沒輕別烟水闊人去天末

菩薩蠻

江亭竟日濛濛雨單櫓送客隨春去今夜小樓前繡衾閒
半邊都將離別恨寫寄瑤華訊等到雁飛回問君歸不
歸

高陽臺

錫山感舊

斷霧籠烟初花試暝薄寒人住江城草色天涯玉驄難問
歸程尋芳慢指薔薇好怕斜陽冷卻詩盟夢初醒怨曲榆
關猶弄清箏珠簾十里湖堤側有明妝照水畫舸盈盈

清夢盦二白詞

今雪雅餘

約鏡顰蛾。當時幾許離情。紅樓小隔。廉纖雨。便垂楊無復。
簫聲更飄零。別館春濃。繡箔圍燈。

絳都春

雨中間鄰。寓歌聲。以翁處靜體寫之。

蘭心滴雨。向綺閣待晴。慵賦離緒。新燕未來。粉影塵香都
無主。玉笙緩約東風住。慢吹散歌雲千縷。錦屏春掩。西樓
悶倚酒杯愁舉。何處華堂漏永。尚圍豔翠鬟。流韻瓊樹。
鸞帳乍寒。羅袖空存。人何許。洞簫祇隔閒亭宇。又珠箔飄
燈歸去。最憐嬌小桃根。夜聽夢語。

滿宮花

蜀岡西北佛閣一楹傳是迷樓故址

六朝春三月雨。闌夜斷魂來去。暮鴉唳。盡倦螢飛。恁卻禁
花宮樹。舊紅妝。新翠縷。都付梵鐘。淒語露涼。猶自唱歌
頭愁煞。隔江商女。

霓裳中序第一

揚州繡女祠。是趙宋宮人南渡至此入道。

鵲絃灑淚血。影墮銖衣香。屑屑題徧宮溝。怨葉比絕塞金
銀。瘦蛾春別。繁華夢歇。付廣陵。潮水鳴咽。宣和事。玉鉤同
恨。忍泛渡江楫。淒切陽關聲。關定盼。斷殘山翠。疊梅黃
空點秀。靨悵鏡雨霏。鸞扇雲飄。蝶舞花濃。糝雪便換卻珠

清夢錄二
三
鈿寶玦銅鋪靜舊時行殿冷焰二分月

臺城路

萬小山招飲卽席贈女郎明珠

相逢乍識崔徽面羅衫淚痕紅泣脆笛穿珠愁絃迸玉中
有十平叶分悽惋鶯嬌燕婉悵明月樓臺冶香誰管落盡瓊
花舊游空自問隋苑流連淅淅波翠館任回燈照影都
是離怨扇雨涼踈鬟雲笑淺闌夜餘寒難煖柔腸寸轉怕
盟鏡重尋黛蛾全換柳外春慙片帆人去遠

揚州慢

蕪城小住譙游浹旬倚裝將行賦此寄意

衫影曳寒酒香吹夢綺懷豈惹梢頭慣閒攜疊舸趁澹碧
春柔自堤上垂楊種後夜簫殘曲都換離愁甚年年圓月
烟花終戀揚州醉翁去遠問如今誰伴清游任玉帳飛
雲珠簾坐雨無分勾留老矣杜郎絲鬢飄零意忍別青樓
向明朝重憶一平鞭斜照荒郵

陌上花

眞州柳屯田墓

鈿車路冷無邊芳草淚痕彈上冶魄棲烟絲柳墓門青長
愛才祇有蛾眉好解得釀錢仙掌嘆清姿去久斷腸詞句
尙留淒響世閒兒女意愁脂恨粉付與么絃低唱夢語

花香胡蝶一生飄蕩綠蕪暗灑清明雨春色夜臺誰賞問
浮名換否月殘風曉幾多惆悵

蹋莎心

紅心驛

暝絮飄烟暗塵隨霧征鞭駐影長亭暮有情芳草送斜陽
誰知不是江南路翠掩樓臺綠深門戶看花覺道春懷
苦紅心滿地淚痕多東風冷隔垂楊浦

錦帳春

睢陽道中

花片黏裾絮塵凝帽澹紅暈一痕斜照冷吟邊殘醉裏向

黃昏古道自尋芳草。暮雨郵亭。薄陰池沼。問何似故園春好。綺愁多。香恨遠。想妝樓翠窈。夢回曉鳥。

四犯剪梅花

是調爲劉龍洲所創。採解連環醉蓬萊雪獅兒三調合成。實卽轆轤金井。唯首四字稍異。萬氏謂前段起句與解連環全不相似。細按之。當以水殿風涼作風涼水殿。則合矣。而與轆轤金井平仄亦合。換頭句七字。萬氏謂誤多一字。宜去之。是已。然失註叶韻亦誤。蓋龍洲詞本不精於律也。行經杞縣城外。柳株夾道。濃陰蘸衣。隔離人家。小桃一枝。紅豔未妥。爲填此解。

寄里門詞社諸君審定焉

麴塵波膩背斜陽。樹樹碧陰垂。地煖翠敲雲倩，鬢絲扶起。
江南夢裏，正春滿畫橋烟寺。小院聞鶯長隄試馬，少年情事。
餘花弄晴未已，更無心認取舊時紋綺。絮影回風似
漂零身世。天涯燕子，問銜徧怨紅誰寄。戍笛吹寒，征鈴送
晚，故鄉千里。

滿江紅

玉門渡古廟，觀汜水會洛入河處。

斜日靈祠喧社鼓，神鴉暮還。涵萬頃魚龍，吹沫潭影浮山。
浪蹴飛花流斷磧，帆移片雨入幽灣。捲天風，高接海東雲。

生翠瀾。沙樹迴開曉。魚笛靜。度前灘。向蒼茫。烟水古。
柳空攀。秋鏡遠。窺圓畫裏。桂旗晴漾。有無閒。待夜深。羅襪
步凌波。鳴珮環。

花心動

磁州見荷花。翠影紅香。清豔炤目。水鄉幽趣。殊動客
懷矣。

蘭穀皺寒漾。晴芬依依野橋荒。渚十里。斷烟青蓋亭亭。忍
覓蹋波游女。夢攜單舸。迎空翠。秋正在。瘦蟬吟處。墜歌晚。
湖雲自澹。綵鴛何許。嬾賦香邊俊句。人獨立。斜陽怨紅。
誰主。落盡舞衣。南浦西風。付與一鷗涼語。露珠濃滴。仙盤

碎妝鏡冷豔痕流去正岑寂
落花更搖暮雨

鷓鴣天

邯鄲贈人

秋滿叢臺萬樹烟已涼時節未寒天
彎彎月子瀟瀟雨值得郵亭一夜眠
秋扇底翠尊前鈿箏彈怨向誰邊
羅衫送盡飛花影便是無情亦可憐

淡黃柳

高碑店垂絲柳

衣塵帽影客夢經秋覺斷縷低搖烟漠漠
換盡晴隄舊綠寒入斜陽數聲角
最蕭索絲絲晚風惡寫離恨向誰託

想江潭老樹同搖落。暝色疎陰。閱人多矣。愁滿星亭霧郭。
西湖月。

仙露坊朱官人餞汪水雲處

忽忽戴了黃冠。便夢繞家鄉。水天淒碧。六宮花謝。嬋媛意。
苦。玉。嚙珠泣。別離人。萬里定。盼足春明。烟樹色。想妝影瘦。
盡銅華零落。舊時梅額。天南地北。歸情任寫。向冰絲淚。
絲寒。澀冷鵲聲裏。金銀信遠。慢招羈魄。翠尊空。勸酒似一。
曲陽關。吹怨笛。更休問。夜月春風。斷腸詞筆。

玉京秋

中秋對月。孤坐無眠。拈得并陽老人夾鐘羽調。

涼意足。銀河瀉蟾影。素波澄。縠畫屏。隔院空。燒紅燭。梧井
疎陰自響。溼螢飛時墜。秋竹闌干曲。露深人靜。斷歌難續。
佳節。今宵愁獨袖。羅寒雲荒翠。屋苑柳分香。亭花圍豔。
前懽重觸。一鏡妝痕向。夢裏銷盡宮籤。蛾綠酒尊促。誰弄
箏絃碎玉。

西子妝慢

長平公主墓

仙鏡飄驚羽。輪埋麝塵冷。前朝宮苑。野花飛雨。弔修蛾。葬
嘯痕。淚鉛紅。澣青門。夢短。穠芳謝。吹簫誰伴。舊詞人。求
鵲銘。蝶絨愁。湘管。殘碑斷。小字幽香。寫徧瓊姬怨。綠蕪

濃上十三陵。闕魚燈。玉衣金枕。銅駝恨滿。斜陽外。山河全換。暮魂歸空。認睂奩翠館。

霜花腴

將出都門。董琴酒潘功甫置酒爲餞。執手言別。黯然魂銷。拈夢牕自度腔留贈。

渭城唱徹。暫解鞍。都亭帳飲遲淹。殘酒村壚昏燈。山館離懷。病語相兼。漸移素蟾趁鴈程飛。夢江南。悵高樓竟日。慵妝暮涼。煙雨指歸帆。南北去來何事。便文章信美。彩筆休拈。零蘚青枯。驚條紅隕。隨霜亂拂。征衫敝。裘未添。感故人珍寄。吳縑耐。明朝斷柳。盧溝曉風寒更尖。

雨零鈴

潞河舟次

秋陰雲薄，傍荒村渡。暮景蕭索，征程水遠，天遠行舟艤處。
寒潮初落，雁影橫空，正向晚人語。江閣甚斷岸官柳踈疎。
尙帶斜暉，古城角，少年未慣成漂泊。更短亭聽雨沈宵。
柝烟帆數點東去，波路迴，錦書難託。雨鬢西風，漸惜朱顏。
鏡裏非昨，趁夢枕闌夜歸來，冷踐梅花約。

夜飛鵲

直沽夜泊，霜月淒皎。明日又將舍舟而陸。客郵馳歷，
黯然於懷。

江樓鴈飛盡。涼月初斜。行客遠去天涯。橋亭拂袂野風緊。
寒聲吹入霜筩。登臨恨何限。有籠烟衰柳。綴水殘花。青山
故國。甚浮雲欲去還遮。東下片帆如箭。誰念我。今宵無
夢歸家。多少人閒淪落。回燈掩面。淒弄琵琶。素衣漸化。是
嗁痕。不是塵沙。更徘徊前路。飄然獨倚。瘦馬單車。登臨句
依夢

作五字與
詞不合

臺城路

析聲

蕭蕭。檣檣淒涼意。愁邊數聲飛墜。亂葉驚飈。尖風動幕。偏
是離人無寐。蘭閨夢裏。正羅帳燈昏。玉釭搖蕊。病枕秋踈。

倦尋刀尺夜深理
哀蟬尙噓暗葦冷
攪鈴鐸語輕送華
歲候館荒雞津亭
去雁多少天涯顚顚
譙樓戍壘趁清角
疎鐘帶霜敲碎酒
醒香殘月波寒浸
水
河傳

村店門掩單衾小
簾寒深夢減馬嘶
催發衣上霜華萬
點野風酸射臉客
塗塵土漂零久從
今後倦折旗亭柳
人未還秋又殘關
山定歌行路難

解珮令

保定旅舍

夜行寒重曉行塵
擁一程程月迎花
送臘酒昏燈且領
畧

巫雲殘夢更休題鏡鸞衾鳳
笛邊淒調曲中清弄遠游
人斷魂誰共有限歡娛也未抵窮途餘慟況明朝亂山荒
隴

一落索

渡滹沱河

南向鴈飛無數客程修阻太行山色接天青遮不斷來時
路倉卒亂流呼渡廢亭何所暗沙迎面一停鞭斜照外
荒城鼓

霜天曉角

席帽塵衣又徘徊路歧堤柳舊曾青處重繫馬雪霏霏

歸期難預期。去程空自迷。十月薊門寒。早人北向鴈南飛。
陽關引。

客中送人之玉門關外

落盡風林葉。暗響驚檐鐵。東門帳飲無言處。離歌咽似哀。
猿荒峽。叫冷三湘月。歎此行。龍沙萬里正飛雪。同念江。
皋路。初賦別。又飄然去。天山外。鴈書絕。且流連。今夕。淚語。
燈前說。想嶺頭。疎梅凍影。未堪折。

瑞鶴仙

成皋官廨歲除

凍英凋怨粉。又零蕪被野。冷催霜信。消猿淚。啼盡抵人閒。

無限斷歌離恨。流光太緊。畫樓深紅銷翠隕。怪淩鵲不喚。
人歸老卻庾郎愁鬢。休問垂燈圍豔。倚酒呼盧。少年陳
俊。如今瘦損。歡情減。賦才窘。況王孫別久。天涯風雪零落。
東堂舊隱。任餘寒吹上梅花夢。春未穩。

探春慢

春日泛舟洛河

疊鼓收寒。調笙送暖。妍蛾還試晴黛。冷翠山城。淒紅驛路。
未了異鄉游債。金谷繁華歇。慢問訊。西園飛蓋。不如歸去。
嬉春舊巢。雙燕能待。長記隄邊柳外。泛畫舸。輕盈桃葉。
同載。遠水纔波。初花未雪。便有嘒鶯聲在。片綠江南岸。忍

詞夢集二
負卻熏鑪瓊佩鏡約遲尋可憐絲鬢先改

曲游春

山城春感

病起銅壺永○漸翦風香煖○吹動晴陌○淚草顰花○儘銷磨詩
酒未成憐惜○細雨鵲唳急○又催近杏烟寒食○趁鏡波舞棹
橫塘重夢○故家春色○寂寂梁園倦客○悵如水華年○芳思
輕攪一角殘陽○換天涯○無數泣紅淒碧○遠道關山○隔定何
處玉鞭金勒○恨柳絲不綰離愁○翠陰自直

永遇樂

廣武原在成皋城外○爲古來征戰處○暇日登眺○其

亂山斜日平楚蒼然賦此以寫古懷不啻鐵板銅琶
唱大江東去也

捲地驚飈際天衰草城郭春晚故壘盤雕雄關立馬烏道
通雲棧漢家歌吹秦時烽火陳迹沈烟散興亡事山河
墜瓦消得阮郎愁歎野花開落驛塵來去終古翠荒林
澗廢鏃沙埋殘碑蘚蝕行客登臨慣戍旗飄處夕陽紅閃
幾許斷榛零蔓村醪賤征衣貰取儘銷醉眼

玉燭新

菱尾開殘春事盡矣羈愁冶思殊不可支

榆陰銷舊火又煖麝沈烟暗飄青瑣留春未可宮衣脫萬

點濃香塵流紅橋畫舸有夜月吹簫人坐從閒阻愁寄將
離鮫綃淚冰空裏朱櫻紫筍佳時記繡閣妝慵笑拈花
朶碎瓊易妥釵樓曉插向鴉雲斜彈劉郎計左正醉裏歸
心無那斜照遠芳草連天鏡帷夢鎖

醉垂鞭

前度別離時長橋外長亭內如雪野花飛夕陽紅上衣
重來人不見春光變路全迷何處繫相思綠楊千萬絲
倦尋芳

重過維揚寄感

碧燕淚染紅藥妝殘離恨如許鏡舸遲來愁滿畫橋烟浦

客夢不離江水上。人生祇合揚州住。最銷魂。是謔嬾庭院。
鮑家詞句。記款約圍燈載酒。夜淺盃深。箏鴈低語。花裏
重門。舊曲慢歌金縷。捲徧珠簾。春寂寂。有情明月。無情樹。
向樓心。點征衫。綠香吹絮。

水龍吟

瓜州夜泊。晤王井叔。陳小松。明日別去。悵與此解。

一星烽火。瓜州暗催笛語。離愁動。三更水驛。江風瑟瑟。暮
潮初湧。岸樹平烟。汀花散雪。旅懷誰共。甚琵琶撥處。荒蘆
斷柳。頻勾起。青衫慟。心厭關津。淒調碧天。遙鴈程低控。
相思遠道。詩寒酒薄。故人情重。鶴外雲橫。鷗邊浪闊。布帆

催送且商量小住蓬牕倚枕話今宵夢

醉花陰

過隨園作

詩酒因緣風月主夢逐浮雲去可惜好樓臺索笑題香不
許閒人住重重簾幙陰陰樹選舞徵歌處占斷六朝秋
廢水荒烟一一昏鴉語

好事近

秦淮曲中人有移居莫愁湖上者拈此贈之

樓上鬱金香雙燕舊曾相識唱到石城新曲柰夜烏啼急
翠波流炤鏡雲低倒影闌干入不是春人休倚滿羅衫

秋碧

月下笛

朱西生秦淮夜笛圖

南浦歌闌西州淚斷舊懽難省烟波釣艇約詩魂笛邊醒
碧雲空與招殘夢奈夢比閒鷗更冷甚江潭枯柳疎枝剩
槳尙迷秋影幽景消清興問燕子人家畫闌誰凭河橋
夜靜晚蟾低湧孤鏡不須重訪吹簫侶但一角紅樓自迴
莫醉裏正相思愁落寒潮萬頃烟波十字玉田作寒窗裏
會記經行舊時路乃夢字
詠作會字而又倒刻於裏字下也萬氏詞律
另收一體誤矣此詞前後同玉田故附識之

南浦

舟行新河道中遠樹連山羣星在水船脣倚笛風露生寒殊難遣於羈抱矣

沿堤怨柳甚依依搖落向江濶不斷羣峰巉碧關夜月初沈響徹一枝風笛滿疎篷翠雨濕衣襟似楚湘孤宿曲終人遠幽峽淚猿吟水國去程漸渺采蘭茫何處寄秋心萬點蘆梢烟冷吹雪上華簪客裏玉尊輕別筭寒潮未抵暮愁深又數聲淒厲夢回柔艣戍亭陰

遶佛閣

江關別思

翠堤帳飲津渡向晚驪唱淒引珠淚難忍片帆細雨江皋

暮潮趁露程又緊人去萬里歸夢無準斜照紅隱戍樓
閨起鳴笳動離恨故國舊行樂醉擁官梅詩語俊誰念
倦途無聊搔短鬢但極望天西關樹濃稠此懷休問待渭
水秋風飛鴈傳信約重來桂蟾香穩是調應分三疊與瑞
龍吟秋宵吟西湖諸

體同所謂
雙拽頭也

點絳脣

鷗江夢別圖和吳清如

淨綠涵秋晚波深處羣鷗賞露花三兩人靜風林響暗
柳荒蘆隔岸潮痕長烟江上斷歌休唱笛裏移雙漿